

պաշտօններ Տրապիզոն, Եփեսոս և Ազրիանուպոլիս. 1907 ին կը վախճանի Կ. Պոլիս, ազգ. հիւանդանոցի եկեղեցիին կը նը- ոււրէ իր ծանրագին եպիսկոպոսական զգեստը:

**ՄԵՍՐՈՊ ԱՐԲԵՊՍ. ՏԷՐ ՄՈՎՍԻՍԵԱՆ, ՂԱՐԱՊԱՂՅԻ.**—Մբ. Ս. Էջմիածնի. Ծ. 1865 ին. Զո. 1893 ին. կը ձեռնադրուի եպս. 1909 ին. 1897 ին կ'այցելէ Ս. Յակոբի վանքը ուխտաւորութեամբ և կ'զբաղի նաև գրչագիրներու ուսումնասիրութեամբ: Տիգրանեան Մկրտիչ եպս. ի կողմէն 1872 ին Ս. Յակոբի վանքին նուիրած մագաղաթեայ Առեսարակին, ինչպէս նաև Կեռան թագուհիին խնդրանօք 1272 ին ընդօրինակուած և Ակների վանքին նուիրուած Առեսարակին եւ Վասակ իշխանին, Կարսի Գագիկ թագաւորին (1029 — 1065) ընդօրինակել տուած Առեսարակներու մասին ուսումնասիրութիւններ գրած է. (Բագվ. 1908, էջ 103—109. Անանիս, Թ. տարի, Թ. 10—12. Ազգր. Հան. հատ. ի 1910, Արարս, 1910, ապր.). Մեսրոպ արքեպս. վարած է սինոգական և Առ. պաշտօններ. եւ 1892 ին ուղևորած է նաև Վենետիկի եւ Վիեննայի Մխիթարեանց վանքերը. 1896 ին կազմել սկսած է Ս. Էջմիածնի մատենադարանի ձեռագիրներուն մէկ ընդարձակ և մանրամասն ցուցակը (անխոյ): 1903 ին կը պատրաստէ Ս. Գրոց հայերէն թարգմանութեան պատմութեան վրայ ուսերէն ուսումնասիրութիւն մը և կ'արժանանայ Մաղխարոսի աստիճանին. (Մշակ, Թ. 284):

Իր միւս հրատարակած երկասիրութիւններն են.

1. Կարսպէս եպս. Սասնեցոյ ներքողեան յարսպ վարուց եւ մահուան Ս. Վարդապետին Մեսրոպայ (տպ. 1897, Վաղարշապատ).

2. Սոկրատայ Մոլոսիկոսի, եւլին. Հատ. Ա. և Բ (տպ. Էջմիածին, 1897).

3. Նկարագրութիւն հոգևորական վարուց Յովսափու, եւլին. (տպ. Վաղարշապատ, 1898):

**ՄԵՍՐՈՊ ԵՊՍ. ՄԱՐԱՇՅԻ.**—Մբ. նախապէս Սսոյ վանքին միաբան ըլլալով՝ կը վարէ Անտիօքի և ապա Այնթապի առաջնորդութիւնը. 1860 ին կը միաբանակցի Ս. Յակոբի վանքին. կը վախճանի 1863 Մարտ 13 ին, և կը թաղուի Ս. Փրկիչ:

**ՄԵՍՐՈՊ ԵՊՍ. ՆՇԱՆԵԱՆ, ՊՈՂՍԵՅԻ.**—Մբ. Ծ. 1872 ին. հայրը Նշան, մայրը Ազնիւ. աշկ. Ժառ. վարժ. ի (1887—1891).